

摘藻堂四庫全書薈要

子部

欽定四庫全書薈要

子部

御定淵鑑類函卷九十

詳校官兵部主事臣雷純

欽定四庫全書薈要卷一萬一千五百三十八

子部

御定淵鑑類函卷九十

設官部三十

諸卿總裁少卿

太常丞

太常卿太常官屬

諸卿總裁一

氏通典曰夏制九卿

記曰夏后氏官百天子有三公九卿也亦有六卿殷周皆

然

殷亦九卿

伊尹曰三公調陰陽九卿通寒暑

周之九卿即少師少傅

少保冢宰司徒宗伯司馬司寇司空

三代諸卿雖名號不同然其官職相

沿與周

不異漢以太常光祿勳衛尉太僕廷尉大鴻臚宗正

大司農少府謂之九寺大卿後漢九卿而分屬三司

太常

光祿勳衛尉三卿並太尉所部太僕廷尉大鴻臚三卿並司徒所部宗正大司農少府三卿並司空所部

進為三公各有署曹掾史隨事為員九卿有疾使者臨

問加賜錢布

尚書令陳忠常欲褒魏九卿與漢同

九卿名數

與漢同晉以太常等九卿

即漢九卿

兼將作大匠太后三卿大

長秋皆為列卿各置丞功曹主簿五官等員太康四年

增九卿禮秩

元帝以賀循為太常而散騎常侍如故循以九卿舊不加官唯拜太常而已

宋

齊及梁初皆因舊制

宋卿尹皆銀章青綬進賢兩梁冠佩水蒼玉衛尉則武冠晉服制以

九卿皆文冠乃進賢兩梁冠非舊也

梁武帝天監七年以太常卿加置宗

正卿以大司農為司農卿三卿是為春卿加置太府卿以少府為少府卿加置太僕卿三卿是為夏卿以衛尉為衛尉卿廷尉為廷尉卿將作大匠為大匠卿三卿是為秋卿以光祿勳為光祿卿大鴻臚為鴻臚卿都水使者為大舟卿三卿是為冬卿凡十二卿皆置丞及功曹主簿後魏又以太常光祿勳衛尉謂之三卿太僕廷尉大鴻臚宗正大司農少府為六卿各有少卿

太和十五年  
初置少

卿官掌北齊以太常光祿衛尉宗正太僕大理鴻臚司  
同太卿

農太府是為九寺

晉荀勗曰九寺可并於尚書後魏亦  
有三府九寺則九卿稱寺久矣然通

異名不連官號其官置卿少卿丞各一人各有功曹五  
寺連稱自北齊始也

官主簿錄事等員隋九寺與北齊同

自昔三代以上分  
置六卿比司百官

至秦及漢雖事不師古猶制度未繁後漢有三公九卿  
而尚書之任又益重矣魏晉以降職制日增後周依周  
禮制六官而年代短促人情相習已久不能革其視聽  
故隋氏復廢六官多依北齊之制官職重設庶務煩滯  
加六尚書似周之六卿又更別立寺監則戶部與太府  
分地官司徒職事禮部與太常分春官宗伯職事刑部  
與大理分秋官司寇職事工部與將作分冬官司空煬  
職事其餘百司之任多類於斯欲求理要實在簡省煬

帝降光祿以下八寺卿階品於太常而少卿各加置二

人始開皇中諸司署唯典掌受納至煬帝署令唐九寺

為判首取二卿同判丞唯知檢局令闕丞判

與北齊同卿各一人少卿各二人丞以下有差龍朔二

年改九寺之名凡卿皆加正

若太常卿為奉常卿他皆如此

後各復

舊初學記曰案釋名云卿慶也言萬物皆慶賴之也

又卿章也言貴盛章著也案古者天子諸侯皆名執政

大臣曰正卿自周以來始有三公九卿之號大率九卿

多秦漢官也漢世雖號九卿其官無卿字至梁始加卿

字其後並因之梁又象四時置十二卿陳氏因之後魏

依南齊以前置九卿又各加少卿焉北齊隋因之

歷代九卿

廢置不同自漢以來皆數少府北齊及隋則不數後漢省衛尉東晉及宋齊省太僕齊宋以前無太府

增文獻通考曰宋初雖有九卿皆以為命官之品秩而

無職事元豐正名始有職掌中興併省冗職除太常寺

大理寺不罷外宗正以太常兼而衛尉太僕併兵部太

府司農併戶部光祿鴻臚併禮部紹興復置宗正太府

司農餘遂廢



諸卿總載二

原法河

括海

春秋漢含萼曰三公象五嶽九卿法河海二十七大夫法山陵

謝承後漢書

曰李淑諫更始曰夫三公上應垣宿九卿下括河海

龜鈕

犀印

漢官儀曰卿秩中二千石

孝武皇帝元狩二年令通官印方寸大小官印五分王

公侯金二千石銀印龜鈕司馬彪漢書曰二千石以

下至四百石佩

藻衣

花綬

漢官儀曰衣裳公侯華蟲卿大夫藻衣又曰卿

雙印皆以黑犀

秩中二千石綬

緹扇

朱輻

續漢書曰卿以下有駢者緹扇汗青翅尾又

青地桃花三彩

曰秩中二千石

九列

六命

六卿周禮王之卿六命

增建旌

皆皂蓋朱輻

帶綬

周禮冬官司常掌九旗之名物及國之大閱贊司馬頌旗物王建太常諸侯建旗孤卿建旌

東漢馬防位至九卿身

執珪

佩玉

上詳總載三東漢左雄言九

卿位亞三事班在六

原參三槐

位九棘

帝王世紀

所以參三公也又周禮曰面三槐三公位焉又曰朝

民之主

君之佐

左傳國卿君

也又曰君之

辭高位

治大官

左傳齊侯使敬仲

臣敢辱高位以速官謗

國語晉悼公使張老為卿辭

四時不失

六卿分掌

說苑曰九卿者不失四時通

釋名曰六卿分掌諸官

周倡九牧

漢置十二

尚書

六卿分職各率其屬以倡九牧阜成兆民孔傳曰卿官大夫士法其所分各率其屬治其所分之職以倡導九州牧伯為政大成兆民之性命皆能其官則政治理也劉熙釋名曰漢十二卿一曰太常二曰太府三曰太僕四曰衛尉四曰光祿勳五曰宗正六曰執金吾七曰大司農八曰少府九曰大鴻臚十曰廷尉十一曰大長秋十二曰將作大匠

章善明理

背邪向正

言彰也彰善明理

馬安四至

段宏再登

也應劭漢官儀曰卿彰也言當背邪向正彰有道德

漢書曰汲黯姊子司馬安少與汲黯並為太子洗馬安文深巧善宦四至九卿又曰濮陽段宏始事蓋侯信

信任宏官亦再至九卿

惟月之位

代天之工

帖白

### 諸卿總載三

原掌建邦治經綸國體

王莽課事曰卿考課一曰掌建邦國制治二曰九卿時序以考

事典三曰經綸國體以考奏議四曰共屬衆職以考總攝五曰明慎用刑以留考獄也

通不通

利不利

說苑曰九卿者不失四時通溝渠補隄防種樹木美五穀於是通於地理者也而通不通利不

利如是者舉馬

賤不臨貴以為上卿

說苑曰齊桓公使管仲治國管仲對曰賤不能

臨貴桓公以為上卿而國不治桓公曰何故管仲對曰貧不能使富桓公賜之齊國市之一年而國不治桓公

曰何故對曰疎不能制親桓公立以為仲父齊國大安遂霸天下

知其君子以為上

卿又曰秦繆公見百里奚牛肥問對曰臣飲食之以時使之不以暴有強先後之以身是以肥也繆公知其

君子以為上卿

三珪

莊子楚昭王延屠羊說以三珪之位司馬彪曰諸侯三卿皆執三珪

再

見史記虞卿躡屣擔簦一說趙孝卿才增在於德

九卿之事成其天天子立三公九卿所以順成其天道列侯參議類

古之上卿次公一等至於一國之高淮南子舉一國之高以為九卿

明白名卿東觀漢記年容為大司狗虛忘實天中

唐麟德二年將有事於泰山有司議依舊禮皆以太常卿為亞獻光祿卿為終獻劉祥道駁曰昔在三代六卿

位重故得佐祠漢魏以來權歸臺省九卿皆為常伯屬官今登封大禮不以八座行事而用九卿無乃狗虛名

而忘事實乎高宗從其議竟以司長慶名卿唐列傳

徒徐王元禮為亞獻祥道為終獻臆名稱重續通典唐長

時風教所倚賴為長慶名卿慶元年給事

韋洪景封還駙馬劉士經為太僕卿制惟月膺名象河稱重

### 太常卿一

原杜氏通典曰今太常者亦唐虞伯夷典三禮兼夔典樂之任也周宗伯為春官掌邦禮秦改曰奉常漢初曰

太常欲令國家盛太社稷常存故稱太常

顏師古曰太常者王之旌

也畫日月馬王者有大事則建以行禮官主奉持之故曰奉常後改為太尊大之義也

惠帝更名

奉常景帝六年更名太常後漢秩與漢同每祭祀前奏

其禮儀及行事贊天子每選試博士奏其能否大射養

老大喪皆奏其禮儀每月前晦察行陵廟助祭則平寃

七旒漢舊常以列侯忠孝敬慎者居之後漢不必侯也

舊制陵縣悉屬歲舉孝廉後漢則否

桓榮及子郁皆為太常初榮受尚書

章句減其煩辭後郁又刪定由是有桓君大小太常章句

建安中為奉常魏黃初元

年改為太常魏晉皆銀章青綬進賢兩梁冠絳朝服佩

水蒼玉

魏夏侯玄為太常多所任改

宋齊皆有之舊用列曹尚書好

遷選曹尚書領護梁視金紫光祿大夫陳因之後魏為

上卿兼置少卿官

周禮有小宗伯中大夫二人即其任

北齊曰太常寺置

卿及少卿丞各一人掌陵廟羣祀禮樂儀制天文術數

衣冠之屬後周建六官置大宗伯卿一人

掌邦禮以佐皇帝和邦國

是為春官隋曰太常與北齊同煬帝加置少卿二人唐

因之龍朔二年改太常為奉常

少卿及丞隨寺名光祿以下諸寺準此

咸

亨元年復舊光宅元年改太常為司禮神龍初復舊卿

一人掌禮儀祭祀總判寺事少卿二人通判

餘寺少卿職並同太

常少卿本一員神龍中加一員

領丞一人主簿二人博士四人太祝三

人奉禮郎協律郎各二人齋郎五百五十二人

其餘小吏各有



差郊社太公廟太樂鼓吹太醫太卜廩犧等署各有令

其郊社及太公廟兩京皆有

初學記曰案太常漢官也宋百官春

秋云在昔唐虞伯夷作秩宗典三禮周則春官宗伯掌

禮樂並其任也漢曰太常

如淳曰常典也常典三禮故曰太常

王莽改曰

秩宗東漢又曰太常

五代史百官志云

至梁加卿字曰太常卿

其後因之

增文獻通考曰宋初太常寺皆以禁林之

長主判

續會要曰皆以兩制充

而禮院自有判院同判院祥符中

祥瑞繁縟別建禮儀院輔臣主判而知制誥為知院天

禧未罷知院天聖中省禮儀院而寺與禮院事舊不相兼康定元年置判寺同判寺並兼禮儀事元豐正名始專其職焉卿掌禮樂郊廟社稷壇壝陵寢之事

禮之名有五吉

賓軍嘉凶皆掌其制度儀式祭祀有大祠有中祠有小祠其犧牲幣玉酒薦獻器服名辨其等掌樂律樂舞樂章凡親祠及四孟月朝獻景靈宮郊祀太廟掌贊相禮儀升降之節及朝會燕饗上壽封冊之儀若禮樂有損益及祀典神祇爵號與封襲繼嗣之事當考定者擬上於禮部凡太醫政令以時頒行元祐詔太

常寺置長貳餘寺監長貳並互置中興併省寺監獨存太常又命太常兼宗正紹興復隆興元年詔光祿寺併

歸太常寺兼領掌社稷及武成王廟諸壇齋官習學之

事丞一員罷卿舊不除人

紹興二十五年除張扶執政以為言遂改宗正復言之乃

除祭酒開禧間忽除陳讜俄亦改秘書監

少卿元祐初除呂純禮御史論門

蔭得官不可任奉常於是外補建炎初併省冗職詔太

常少卿一員兼宗正少卿

宋初太常少卿博士寺丞俱為寄祿官少卿後來為朝議

大夫博士承議郎丞奉議郎

續文獻通考曰遼南面太常寺官曰

太常寺卿曰太常少卿曰太常寺丞曰太常寺主簿其

下有博士贊引太祝奉禮郎協律郎其所屬大樂署有

署令署丞鼓吹署亦有署令署丞法物庫掌圖籍有法  
物庫使法物庫副使金太常寺皇統三年正月始置太  
廟廩犧郊社諸陵大樂等署隸焉卿一員少卿一員丞  
一員掌禮樂郊廟社稷祠祀之事博士二員掌檢討典  
禮閔官一員檢討二員太祝掌奉祠神主奉禮郎掌設  
版位執儀行事協律郎掌以麾節樂調和律呂監視音  
調元置太常禮儀院掌大禮樂祭饗宗廟社稷封贈諡  
號等事仁宗復太常禮儀院為太常天歷二年定置院

使二員同知二員僉院二員同僉官二員院判二員經歷一員都事一員照磨兼管勾承發架閣一員屬官博士二員奉禮郎二員奉禮兼檢討一員協律郎二員太祝十員禮直管勾一員明初置太常司設卿少卿司丞其屬有博士典簿協律郎贊禮郎司樂太祝等官職專祭祀之事洪武三十年改司為寺永樂十九年定鼎北京在留都省加南京二字正卿少卿多用科目出身者推陞北寺間用樂舞生累資陞至卿寺甚或加禮部侍

郎尚書掌寺事至隆慶改元乃重推甲科出身者補任  
本寺卿一人少卿二人提督四夷館少卿一人其屬典  
簿二人博士二人神樂觀提點一人知觀二人協律郎  
二人贊禮郎九人司樂二十二人天地朝日夕月各壇  
祠祭署祈穀殿祠祭署諸陵十二祠祭署各奉祀一人  
祀丞一人吏目一人吏十一人卿掌祭祀禮樂之事總  
其官屬籍其政令以聽禮部少卿寺丞為之貳凡天神  
地祇人鬼歲祭有常先歲孟冬進明年祭日帝御奉天

殿受之頌諸司凡帝祭贊相禮儀大臣攝事亦如之若

祭先期請省牲大祀帝先省大臣繼省之進版銅人上

殿奏齋戒示諸司凡薦新品物移光祿寺凡國有冊封

冠婚營繕出師歲時旱澇大災難請告郊廟社稷凡新

王之國若朝還謁辭於寢廟凡祭滌器爨理香燭玉帛

整拂神幄必恭潔凡玉三等曰蒼玉曰黃琮曰玉制帛五等曰郊祀曰

奉先曰展親曰牲四等曰犢曰牛曰太牢曰少牢樂四等曰九奏曰八奏曰七

禮神曰報功

牲四等

曰犢曰牛

樂四等

曰九奏曰八奏曰七

奏曰凡舞二

曰文武舞

凡樂器不徙凡陵園之祭無樂凡

祭掌燎看燎讀祝奏禮對引司香進俎舉麾陳設收支  
導引設位典儀通贊奉帛執爵司尊司罍洗卿貳屬各  
供其事凡宴會率其屬奏樂提督四夷館隸翰林院典  
簿典勾校金穀察視禮數省署文移博士講習禮文請  
帝填名祝版大禮導贊其儀神樂觀提點知樂領樂生  
舞生而時教肄之進退其考贊禮郎設君臣之位以奉  
祭祀之禮拜跪之節皆贊導焉而承傳之協律郎司樂  
考協雅樂凡舞人韻聲人籍覈其名數而審肄之凡淫



聲過聲凶聲慢聲舞失節者皆禁糾之凡帝至祀所夜  
警晨嚴凡祭先期演樂太和殿凡大祀樂生七十二人  
舞生一百三十二人凡壇署典守壇場殿宇厨庫林木  
時灑埽之以共其祀事陵署亦如之犧牲所凡三祀牲  
牢咸有數養而滌之籍田收穀納於神倉供五齋三酒

之用穰藿飼牲

穆宗隆慶中革太常寺協律郎等官四十八員存者二十九員從禮部疏寺卿

陳慶上疏固爭以郊壇典禮煩重今舉擬裁革未免闕  
人廢事請下禮部熟計部議復持前說上報可於是吏  
部奏革協律郎等官慶內益不平乃上疏謂本寺非部  
所屬何得擅主裁革禮部亦言國家設六部分理天下

諸務為政事根柢今以本部理太常之事為侵擾則戶部之於錢糧兵部之於士馬皆為侵擾矣惟聖明獨斷以一政體疏並下吏部吏部覆太常所掌乃祠部一事固不可累謂部屬亦難謂全無統屬其公移往來宜各仍舊帝從之

## 太常卿二

原漢書曰太常秦官掌宗廟禮儀 漢書解詁曰太常

掌社稷郊時事重職尊故在九卿之首 衛宏古文官

書曰太常主導贊助祭皆平冕七旒玄纁下畫華蟲

七章漢陵屬三輔太常月一行 史記曰叔孫通為奉

常賜金五百斤通因進言曰諸弟子儒生隨臣久矣與  
共為儀願陛下官之高帝悉以為郎通出皆以五百金  
賜諸生諸生曰叔孫生聖人也知當世務 增冊府元  
龜曰漢趙典桓帝時為太常以諫諍違旨免官就國會  
帝喪時禁藩國諸侯不得奔弔典慨然曰身從衣褐之  
中致位上列且烏烏反哺報德況於上邪遂解印綬符  
策付縣馳到京師州郡及大鴻臚并執處其罪而公卿  
百僚嘉典之義表請以租自贖詔許之 原華嶠後漢

書曰劉愷為太常議論常引正大義諸儒為之語曰難經伉伉劉太常 東觀漢記曰桓榮為太常上幸太常

府榮東面坐設几會賓子郁以明經復為太常 增後

漢書曰桓榮拜太常榮初遭倉卒與族人桓元卿同饑厄而榮講誦不息元卿嗤榮曰但自苦氣力何時復施用乎榮笑不應及為太常元卿歎曰我農家子豈意學之為利乃若是哉 又曰靈帝欲以羊續為太尉時拜三公者皆輸東園禮錢千萬令中使督之名為左騶其

所之往輒迎致禮敬厚加賜賂續乃坐使人於單席舉  
緇袍以示之曰臣之所資惟斯而已左騶白之帝不悅  
以此故不登位而徵為太常 又曰楊賜以病罷居無  
何拜太常詔賜御府衣一襲所服冠幘綬玉壺革帶金  
錯鈎佩 原應劭漢官儀曰北海周澤字稚都為太常  
恒齋有疾其妻憐其年老被病闕內問之澤大怒以為  
干齋掾史叩頭爭之不聽遂收送詔獄并自劾謝論者  
譏其激發不實又諺曰居世不諧為太常妻一歲三百

六十日三百五十九日齋一日不齋醉如泥既作事復

低迷 增冊府元龜曰後漢楊震為太常先是博士選

舉多不以實震舉薦明經名士陳留楊倫等顯傳學業

諸儒稱之 又曰徐璆獻帝末為太常璆少履清高立

朝正色稱揚後進惟恐不及 又曰蜀杜瓊字伯瑜為

太常為人靜默少言闔門自守不與世事蔣琬費禕等

皆器重之 魏書曰常林從光祿勳為太常晉宣王以

林鄉邑耆老每為之拜或謂林曰司馬公貴重君宜止

之林曰司馬公自欲敦長幼之序以為後生之法貴非  
吾所制也言者慙而躊躇 又曰邢顥字子昂時人稱  
德行堂堂邢子昂文帝以為太常卿 冊府元龜曰魏  
陳泰字玄伯高貴鄉公時為太常及司馬文王會朝臣  
謀廢立泰不至使其舅荀覲召之垂涕而入文王謂曰  
玄伯何以處我對曰誅賈充以謝天下文王曰不可為  
更思其次泰曰但見其進不見其次文王乃不復問  
魏志王朗傳曰西京太常行陵赤車千乘 益部耆舊

傳曰趙典字仲任為太常雖身處上卿而布被瓦器

臧榮緒晉書曰咸熙五年詔曰華表

字偉容

清賢履道內

貞外順歷位忠恪言行不玷其以表為太常卿 傳暢

晉贊曰劉實為太常與諸博士窮道義以理趣 冊府

元龜曰晉蔡謨成帝時為太常彭城王綰上言樂賢堂

有先帝生畫佛象經歷寇難而此堂猶存宜勅作頌帝

下其議謨曰佛者夷狄之俗非經典之制先帝量同天

地多才多藝聊因暇時而畫此象至於雅好佛道所未



承聞 又曰王彪之為太常領崇德衛尉時或謂簡文

曰武陵第中大脩器仗將謀非常也簡文以問彪之彪之曰武陵王志意盡於馳騁田獵耳願深靜之以懷異同者弗復以此為言簡文甚悅 東齊記事曰燕龍圖

肅判太常建言今之樂太高始下詔求知音者 北齊

書曰趙彥深拜太常卿不脫朝服先入見母跪陳幼小孤露蒙訓至此母子相泣久之 北史曰李元忠嘗為

太常卿後自中書令復求為太常以其有音樂而多美

酒故神武欲用為僕射文襄言其放達常醉不可委以  
臺閣其子聞之請節酒元忠曰我謂作僕射不勝飲酒  
樂爾愛僕射時宜勿飲酒 後周書曰長孫紹遠為太  
常廣召工人制樂器土木絲竹各得其宜惟黃鐘不調  
紹遠每以為意嘗因退朝經韓使君佛寺前過浮圖三  
層之上有鳴鐸焉忽聞其音雅合宮調取而配奏方始  
克諧 冊府元龜曰隋牛弘為太常卿時議置明堂詔  
弘條上故事文帝甚敬重之時楊素恃才矜功輕侮朝

士惟見弘未嘗不改容自肅 又曰唐王雅為太常卿  
宋申錫獄自內起宰相重臣無敢言者雅與京兆尹崔  
瑄上疏請付外考驗其事由是獄情少緩申錫止於貶  
官內外翕然推重之 又曰杜黃裳為太常卿時順宗  
即位王叔文竊權黃裳終不造其門後語其子婿韋執  
誼令率百官請皇太子出以安人情執誼遽曰丈人纔  
得一官寧可復開口議禁中事也黃裳勃然曰黃裳受  
恩三朝豈可以一官見賣拂衣而去 唐書曰竇誕為

太常奏用音聲博士皆為大樂鼓吹官僚於後彈胡琵琶胡人白胡達竹伯夷積勞計考並至大官自是以聲伎入流品者蓋以百數 宋史禮樂志曰宋太祖乾德二年以雅樂聲高近於哀思不合中和詔判太常寺和峴改定峴以王朴律準較洛陽司天臺影表石尺制律呂音始和暢 宋實錄曰賈黃中判太常禮院每詳定典禮損益得中 職略曰宋天聖同禮院王暉言開國以來禮儀沿革文字重複編成六十卷名禮閣新義

又曰治平修禮書百卷名曰太常因革禮初歐陽修同判太常寺奏禮院文字散失請差官編修嘉祐張洞奏用姚闢蘇洵編纂至是成書東都事略曰英宗即位

中書奏請尊濮安懿王禮詔令禮官檢詳典禮以聞范鎮時判太常寺上言漢宣帝於昭帝為孫光武於平帝為祖則其父容可稱皇考而議者猶非之今陛下既考仁宗又考濮王則其失非特漢宣光武之比矣又曰楊傑元豐中官太常者連數任一時禮文之事傑與討

論 又曰熙寧初劉攽知太常禮院會建言講官願得

坐講下太常議攽曰侍臣侍見天子應對顧問日討論

不可安坐自若避席立語乃古今常禮時議者不一卒

如攽言 言行錄曰劉敞判太常兼禮儀事上初即位

有疾皇太后臨朝疾愈乃歸政適有小人言二宮不歡

諫者或訐而過直敞謂當以義理感諷兩宮時進讀史

記至堯授舜以天下敞因諫說舜至側微堯禪以位非

有他道惟其孝友之德光於上下上知其以諷諫也慈

壽聞之亦大喜 元史徐世隆傳曰世隆中統初為燕京等路宣撫使宣撫使罷世隆還東平請增宮縣大樂文武二舞令舊工教習以備大祀制可徐世隆太常卿以掌之

### 太常卿三

原拜子

奏妻

後漢桓榮從少傅還太常明帝即位尊以師禮拜子為郎

增

閒職

清選

齊書曰張環以雍州刺史拜太常自謂閒職

白居易制立國之本禮樂為先今之

太常兼掌其事歷代迄今謂之清選

容臺

禮寺

類要太常曰容臺天中記唐曰司禮寺

又曰禮院

原掌神祇

典天地

周禮春官宗伯之職掌建邦之天神人鬼地祇之禮

以佐王建保邦國鄭注建立也立天神地祇人鬼之禮者謂祀之祭之享之禮吉禮是也保安也所以立安邦

國者也晉中興書曰元帝建武元年詔曰太常職典

天地兼掌宗廟其為任可謂重矣是以古今選建未嘗

不妙簡時望兼收儒雅

立郊廟

掌禮儀

尚書孔傳曰秩宗郊

廟之官秩序也百

定儀法

言禮樂

史記叔孫通傳曰惠帝即

官志曰太常掌禮儀

位乃謂通曰先帝園陵寢廟羣臣莫習徙通為奉常定

宗廟儀法及稍定漢諸儀法皆通所論著也續漢書

張奮拜太常上疏言漢當改作禮樂圖書著明王者治

定制禮功成作樂謹條禮樂異議三事願下有司以時

考定增作類禮起朝儀合璧事類曰魏鄭公常以小

戴禮綜彙不倫更作類禮一



十篇帝美其書叔孫通

# 有四院 下六曹

六帖曰唐制藏大享之祭服兼四院一曰

太府院藏瑞應及代國所藏之寶禘祫則陳於闕庭二曰御衣院藏天子祭服三曰樂縣院藏六樂之器四曰神廟院藏御廩及諸器山堂肆考曰唐崔日知遺太常卿以歷年久每朝士參集嘗與尚書同判時人號為尚書裏行一說宋朝太常在六曹尚書之下與尚書丞郎同幕次故謂之尚書裏行相百里

# 戴七旒

上見後表類要戴玄冕之七旒驅赤車之千乘

# 中華殿 望省樓

國朝纂異曰唐令狐德棻為卿高宗召宰相坐中華殿問王伯孰先德棻對以清心簡事為本又曰崔日知恨不居八座為太常卿起樓與尚書省相對人謂之崔公望省樓傳父業陳母訓

山堂肆考漢桓榮子郁傳父業亦為太常下詳卿二

# 原舜咨秩宗 秦曰奉

常

應劭漢官儀曰古官也舜典帝曰咨伯夷汝作秩宗百官公卿表曰太常古官云伯夷也漢百官公卿

表曰太常卿一人秦奉常也

增造廬特賜

賣宅自給

晉中興書曰賀循字

彥先拜太常中宗踐阼下令曰循冰清玉潔行為俗表

位處上卿而居身服物蓋周形而已屋纔庇風雨孤常

造其廬特為慨然其賜六尺牀薦席褥并錢二十萬以

表至德魏志曰和洽字陽正為太常清貧賣田宅以

自給明帝聞

孫通賜金桓榮設几

史記曰高祖滅秦已登尊號羣

之加賜穀帛

臣飲爭功醉或妄呼拔劍擊柱高祖患之於是叔孫通

進說遂設縣苑野外習之月餘通曰可試觀上使行禮

畢復置法酒無敢誼譁失禮者高祖曰吾乃今日知為

皇帝之貴也拜通太常賜金五百斤華嶠後漢書曰

桓榮字春卿以少傳還太常明帝即位尊以師禮甚見

親重拜之乘輿每常幸太常府令榮東面坐設几杖會

百官

還第攝事 干齋怒妻

晉起居注曰安帝二年太常臨川王寶啓府舍窄狹

不足移家母鍾年高違離靡寧乞還第攝事詔聽之 下詳卿二

宗官典禮 常臣

司宗 周禮春官注曰唐虞歷三代以宗官典國之禮漢之太常是也 下見揚雄箴

六樂九

儀 三牲七祀

上詳卿五張鷟曰聖朝道方萬古業降百祥輯五瑞而禮羣卿薦三牲而尊

七祀八通鬼道俱申滌濯之誠七里神壇並被嚴宗之貺故使白鶴揚彩向清廟而歸飛赤鴈呈姿對祠宮而

振羽 選童按樂 為母導輿

山堂肆考曰唐王涯字廣津文宗時拜太常帝以樂

府之音鄭衛太甚欲聞古樂命涯詢於舊工取開元雅樂選樂童按之命曰梨園樂上悅 又曰唐崔邠字處

仁為太常卿故事太常始視事大閱四部樂都人縱觀邠乃自第去帽親導母輿都人榮之 終無

折衷 多所釐正

晉後略曰成泰位至太常好生異議終無折衷言行錄曰曾肇同知太

常禮院肇在職多所釐正上親祀皇地祇於北郊蓋自肇發之

濮安典禮 溫成廟

制上詳卿二言行錄曰宋韓維知太常禮院先是溫成皇后立廟用樂維上疏乞詔有司議廟制以明陞

下不私後宮之意

議講官禮

獻旋宮圖

上詳卿二事畧宋太常寺音律官

田琮以上所御九絃琴五絃阮并協律以旋宮相生之法畫為圖獻上上善之

原官屬稱有

恩 朝野歎淵學

漢書杜有陵為太常治諸陵縣官屬稱其有恩晉中興會稽錄曰賀循

字彥先拜太常與刁協同議先朝舊事以此校循所奏無不符同朝野咸歎循之淵學

洽神人

和上下 統百官諧萬民

尚書周官宗伯掌邦禮洽神人和上下孔傳曰主國禮治

天神地祇人鬼之事國之五禮如上尊下卑等別者也  
周禮曰三曰禮典以和邦國以統百官以諧萬民鄭  
注云禮典宗伯之職也  
當文明之代 居禮樂之司 帖白

### 太常卿四

原杜業數言得失

漢書杜業有才能以列侯選為太常數言得失不事權貴後坐法免

周澤數有直言

東觀漢記曰周澤少修高節耿介特立拜太常果敢直言數有據爭朝廷嘉其

清  
庶 桓榮東面几杖天子親自執經

華嶠後漢書曰桓榮遷太常明帝令

榮東面坐設几杖天子親自執經既罷悉以大官供具賜太常家其恩禮若此  
續漢書張奐拜太常卿設職官科限素  
有清節當可否之間強禦不可奪也

設職官科限

常引正大義

詳卿

韓暨多所匡政

魏志韓暨字公至遷太常時新都洛陽制度未備暨多所匡政

坐宗廟事免

魏志王肅遷太常時大將軍曹爽專權任用何晏鄧颺等肅與太尉蔣濟司農

桓範論及時政肅正色曰此輩即弘恭石顯之屬後稱說邪爽聞之戒何晏等曰當共慎之公卿已比諸君前

世惡人矣坐

增以侍中出

肆考曰魏城陽王徽與黃門侍郎徐紇毀侍中元順

宗廟事免

出為太常卿順奉辭時紇侍側順指之曰此魏之牢誥魏國不亡此終不死紇脅肩而出順叱之曰爾刀筆小

才止堪供几案之用豈應汚辱門下

原王祥南面几

杖帝北面包言

晉書曰王祥拜太常天子幸太學命祥為三老祥南面几杖以師道自居天子

北面乞言祥乃陳明王聖帝君臣政化之要以訓帝百辟聞之莫不砥礪

以太廟事免書

張華為太常以太廟林折免官徐廣晉諸公贊曰張華為廟地發屋

柔而能整

晉書曰鄭默字

思元還太常山濤欲舉一親為博士謂默曰卿似尹翁歸令吾不敢復言默為人敦重柔而能整皆此類也

儒素有學

山公啓事云彭樞儒素有學宜太常選

病不能從

晉書曰鄧攸為

太常時帝南郊攸病不能從車駕過攸問疾攸力病出拜有司奏攸不堪行郊而拜左道坐免攸每有進退無

喜愠之色久之還尚書右僕射

虞松考正舊儀

晉起居注元康六年以後不常親郊社制

度廢弛太常虞松考

賀循議兄弟不為後

晉中興書曰賀循拜

正舊儀無不悉備

太常時宗廟始建舊儀多闕或以為惠懷二帝應各為世則頌川世數過七宜在迭毀事下太常循議以為禮

兄弟不相為後不得以承代為世

蔡謨奏宜臨軒作樂

又曰濟陽蔡謨拜太常咸

寧四年臨軒門下奏非祭祀燕享則無設樂謨  
奏宜有金石顯宗納馬臨軒作樂自此始也

增諫

徵散樂

山堂肆考曰初齊高緯之世有魚龍山車等戲  
謂之散樂隋煬帝徵之太常卿高諫諫不聽退

謂丞李懿曰周天元以  
好樂而亡殷鑒不遠

捉筆賦詩

唐職林楊師道字  
景猷太宗時為太

常卿賜宴帝曰聞公每酣捉筆賦詩如宿構  
試為朕為之師道再拜少選輒成一坐嗟伏

請籩豆

皆加合璧事類曰唐韋縚開元時遷太常卿唐興禮文  
雖具至顯慶中許敬宗建言籩豆已多縚建言請

宗廟籩豆  
皆加十二

以祭酒遷

山堂肆考曰唐元載秉政忌楊  
縚奏為祭酒天下清議悉歸於

使郊廟禮廢縚振起之

禮樂之司

劉賓客集為杜  
佑謝男師損等

授官表曰太常實禮  
樂之司非儒者勿履

聲樂之司

韓愈為權德輿墓  
碑本寺禮儀聲樂之司



官屬亦妙選才也

仰三珪

權德輿酬太常詩正名推五字貴仕仰三珪

彭年該

洽筆談宋陳彭年博學於書史禮文尤所詳練嘗攝太常卿導乘輿誤行黃道上有司止之彭年正色回顧

曰自有典故禮曹素畏其該洽不復詰問

論輕假中官

山堂肆考曰司馬光知禮院時中官

凌允言死詔特給鹵簿光論名器不可假人允言近習之臣非有元勳大勞而贈三公給鹵簿其為繁縷不亦

大乎

總政兼夷夔事

藥城趙君錫制太常總禮樂之政兼伯夷后夔之事

奉龍

旂

張文潛詩平生秉周禮投老奉龍旂

請專配上帝

東都事畧曰宋趙君錫同知太常禮

院時近臣有請英宗於明堂配昊天上帝及五帝君錫與禮官建言專配上帝以稱嚴父之意

請別

建置

明宣宗實錄曰宣德七年太常寺奏永樂中本寺寄處故元萬壽宮承慶堂祭器神帛品物皆貯於

內請別建置帝諭工部尚書吳中曰  
太常專奉神明亟尋潔淨之居徙之

改書堂扁

春明夢餘

錄曰明太常寺在皇城西後府之南東向中為崇正堂  
後堂左右為官舍堂後為香帛庫庫北為浴堂南為柴  
庫右為祭器庫又明一統志曰太常寺在後府南典  
簿廳附馬外有神樂觀犧牲所各祠祭署亦隸之

### 太常卿五

原詩宋顏延之贈王太常僧達詩曰玉水記方流璇源

載圓折蓄寶每希聲雖祕猶彰徹聆龍睎九淵聞鳳窺

丹穴歷聽豈多士歸

一作唯

然覲時

一作世

哲舒文廣國華

敷言遠朝烈德輝灼邦懋芳風被鄉耆側同幽人居郊

扉常晝閉林間時晏開亟迴長者轍庭昏見野陰山明  
望松雪靜惟浹羣化徂生入窮節豫往誠歡歇悲來非  
樂閔屬美謝繁翰遙懷具短劄 增唐杜審言送鄭卿

入京詩曰帝坐蓬萊殿思追社稷臣長安遥向日宗伯  
正乘春 杜甫贈太常卿張均詩曰氣得神仙迴恩承  
雨露低相門清議衆儒術大名齊軒冕羅天闕琳琅識  
介珪伶官詩必誦夔樂典猶稽健筆凌鸚鵡銛鋒瑩鷗  
鷺友于皆挺拔公望各端倪通籍踰青瑱亨衢照紫泥

靈虬傳夕箭歸馬散霜蹄能事聞重譯嘉謨及遠黎弼  
諧方一展班序更何躋 明高啓夜宿太常齋宮詩曰  
鳥散廟堦空清香肅闕宮太常齋禁密列祖享儀崇井  
叩銅瓶月墀鳴玉佩風聽鐘候車駕庭燎已燿燿

增制唐蘇頌行姜皎太常卿制曰命卿之貴以象冬春  
化人之本孰踰禮樂殿中監姜皎學皆為已聞義思齊  
忠以事君立言成則自立屯險爰悲胡戴鳴謙滿於視  
聽好讓存於終始故可銘之鼎彝光我簪紱在昔唐典

惟清乃命洎於周官以和為重宜守太常卿勲封如故  
常袞行楊綰太常卿制曰舜以伯夷作秩宗漢以列  
侯掌郊廟至於園丘大射之制禮官博士之論莫不綜  
詳得失而折衷焉故事職尊冠九卿之首朝議大夫楊  
綰常在於道亦周於仁文以君子之言生知聖人之意  
迺者崇進名儒俾其宣明師訓講求三代稽合五經濟  
濟諸生誨之不倦飽於道德之富成其禮讓之風況恭  
儉忠信守而彌固一時模表清議所高固可以處楊震

桓榮之位領曲臺太子之重勉思厥服以稱任賢 元  
稹行趙宗儒太常卿制曰昔叔孫通徒以縣蕞草具之  
功遂獲封侯之賞況朕始見天地朝祖宗哀勵祗嚴不  
克是懼惟爾肇自清廟逮予還宮贊導法儀踰於四百  
俛伏趨數訖無尤違夫何叔孫用是為比顧此沖昧實  
賴老成不有甄升孰明勤藎奉常正秩左揆兼榮六樂  
九儀興替在此無忘勗率以厚人倫

原贊晉潘岳故太常任府君畫贊曰堂堂我君鑒象開

慶逸德宣猷含真履素味道無悶守終純固弓興爰集  
撫翼清舉翰飛公庭龍升天路初掌萬國流化千里遂  
管祕籍辨章舊史入登常伯出作卿士外內惟允庶績  
咸理中節日新令問不已濟濟儒林翼翼國子 孫綽  
太常碑贊曰海岱協靈育此多士我我君侯東國之紀  
金德發耀英風飭起文齊游夏行傳魯史有邈其升令  
問不已人亦有言德崇譽高束帛既賁旌節仍招儀刑  
朝堂流風丹霄將振華袞永煥皇朝

原箴漢揚雄

初學記  
作崔駰

太常箴曰翼翼太常實為宗伯穆

穆靈祇寢廟奕奕稱秩元祀班於羣神我祀既祇我粢  
孔蠲匪愆匪忒公尸攸宜弗祈弗求惟德之報不矯不  
誣庶無罪悔無曰我材輕身恃筮東鄰之犧牛不如西  
鄰之麥魚秦殞望夷隱斃鍾巫常臣司宗敢告執書

增明宣宗太常寺箴曰為國之要事神理民太常典祀  
式交百神昔予祖考致嚴祀享厥有純誠敬恭協相朕  
承丕緒思用允迪爾祇爾肅以輔以翼翼儀度必飭粢盛



必潔無黷無慢凜乎對越事神之本惟心之虔豈直臨  
事平居有嚴神之鑒矣來歆來止神之歆矣民之福矣  
無曰冥冥洋洋有臨汝惟懋哉其慎其欽

原墓志梁元帝太常卿陸倕墓志銘曰如金有鑛如竹  
有筠體二方擬知十可鄰兩升鳳詔三侍龍樓南皮朝  
宴西園夜遊詞鋒飈豎逸氣雲浮日往月來暑流寒罷  
東耀方遠北芒已及隆露曉團悲風暮急 沈約太常  
卿任昉墓志銘曰天才俊逸文雅弘備心為學府辭同

錦肆含華振藻鬱馬高致川谿望歸巖阿待闕幽光忽  
斷窮燈黯滅爾有令問蘭薰無絕

原表梁陸倕為王光祿轉太常讓表曰昔者楚德方盛

孫叔濯衣漢道克隆

一作昌

王陽結綬故拜命無辭受爵

不讓況宗卿清重歷選所難漢晉以降莫非素範辭爵  
則桓郁張奮讓封則丁鴻劉愷潘尼之文雅深純華表  
之從容退默自此迄茲風流繼軌以臣況之曾無等級

陳沈炯為周弘正讓太常表臣聞玉帛

一作為

雕楹不

取材於蟠木丹朱繡黼豳冕於蘿薜何則適用各有

所宜朝野不可一旨叔孫之分定禮儀

一作野  
外定禮

倍資典

實刁協之躬為唱引豈易其儀賓主闕對

一作九  
賓闕相

討禪

失儀責以司存云誰之咎況南史執簡轉見違才君舉

必書尤難妄冒

增唐高郢謝再除太常卿充禮儀使

表曰秩宗之任典司三禮奉常之選班列九卿前古以

來用人為重非有望實不宜謬居臣昔叨此官已為負

乘之懼今復再歷信增濡翼之憂況專職禮儀別蒙委

遇明時大禮方奉郊禋末學謏聞何徵損益飲永斯切  
俟駕靡遑

原傳梁王僧孺太常敬子任府君傳曰恥一物之不知  
惜寸陰之徒靡下惟閉戶投斧懸梁雖玄晏書淫文勝  
經溢康成之忽忘所往公叔之顛墜研岸無以異也若  
夫大才卓爾動稱絕妙辭賦極其清深筆記尤盡典實  
若聞金石似注河海少孺速而未工長卿工而未速孟  
堅辭不逮理平子意不及文孔璋傷於健仲宣病於弱

其有集論尚書窮文質之敏駐馬停信極豐疊之功莫  
尚於斯馬君職等曹張聲高左陸時乃高闕雪宮廣開  
雲殿秋牕春戶冬燠夏清九醞斯浮百羞並薦雲銷月  
朗聿茲游客朋來旅見辭人才子辯圓學林莫不含毫  
咀思爭高競敏乃整袂端襟翰飛紙落豪人貴仕先達  
後進莫不心服貌慚神氣將索顧余不敏廁夫君子之  
末可稱冥契是為神交二三君子唯以從游日暮亭號  
昭仁庶子雲咫尺康成斯在借此嘉言將無絕乎千載

增序宋楊傑太常祠祭總要序曰凡太常典禮少府共服器光祿共酒齊黍稷果實醢醢將作共明水明火太府共香幣太僕共牛羊司農共豕俎有司應命人或為之騷然熙寧四年冬詔以諸寺監祠事隸於太常所以肅奉神之禮也太常初置主簿傑首被命至局之日寺監羣吏各執故習惘然不知祭酒之聯事傑乃集諸司所職為旁通一卷以示之於是上知其綱下知其目大事從其長小事則專達郊廟羣祀煥然易明有司百執

各揚其職職事相聯罔不修舉命曰熙寧太常祠祭總要云

增劄子宋張孝祥太常劄子曰陛下祇見郊廟靡愛圭幣懷柔百神獨聲詩之薦未稱明德伏覩太常所奏樂章第其篇叙則有詳略之不同稽之文義則或違悟之弗協三歲之祝祠四時之常祀率用此也而習熟所傳有司弗議臣甚懼焉恭惟真宗仁宗實始親制薦饗樂章所以中景鑠宣至和假三靈之驩者炳然與日星較

著而當時輔臣奉詔而作者亦皆依末光垂典冊雅頌  
所編不足道也臣愚欲望聖慈深詔邇臣取凡太常樂  
章更定篇次標列部分具以奏御陛下萬幾之暇用列  
聖故事擇宗廟郊禘親祠所用駿發睿思肆筆而成其  
餘命大臣與兩制儒館之士一新撰述裒為成書下之  
太常庶幾追繼韶濩施之無窮

太常少卿一

增六典曰凡有事於宗廟少卿率太祝齋郎入薦香燭



整拂神幄出入神主將享則與良醞令實樽罍 後魏

書曰景明初班職令太常少卿第四品上第一清選明  
禮兼天文陰陽者為之 又曰元順為太常少卿以父

憂去職哭泣歐血身自負土時年二十五便有白髮免  
喪抽去不復更生世人以為孝所致 北史曰魏斛斯

徵字士亮為少卿博覽羣書尤精三禮兼解音律自魏  
雅樂久廢徵博采遺逸其樂始備樂有錚于者近代絕  
無此器或自蜀得之皆莫識徵見之曰此錚于樂也遂

依于寶周禮注為芒筒振之其聲極清衆乃歎服 三

國典畧曰齊太常少卿袁聿修與巡省河南兗州刺史  
邢邵為故舊邵嘗於省中呼聿修為清郎至是送紬為  
信聿修不受與邵書曰瓜田李下古人所謹邵報書曰  
昔為清郎今為清卿矣 山堂肆考曰唐太宗使少卿  
祖孝孫以樂律授宮中音樂伎不進數被護至珪與溫  
彥博同諫曰孝孫修謹士陛下使教女樂又責詢之臣  
竊以為不可 職林曰唐于休烈為少卿恭儉溫仁親

賢下士 又曰元澹字行冲景雲中授少卿行冲以系

出拓跋恨史無編乃撰魏典二十篇學者向之有人得

銅器似琵琶人莫能辨行冲曰此阮咸所作也雅樂家

遂謂之阮咸 冊府元龜曰唐李勉為太常少卿肅宗

時將大用勉會李輔國恃寵欲勉降禮於已勉不之屈

竟為所抑 分紀曰唐韋萬石上元中遷少卿當時郊

廟樂調及燕會雜樂皆萬石增損之時謂稱職 職林

曰鄭肅元和中轉太常少卿肅能為古文而尤長於經

學博士以下必就肅決之據經條答 唐書曰馮定字

介夫為少卿文宗每聽樂詔奉常習開元霓裳羽衣舞  
以雲韶樂和之舞曲成定總樂工閱於庭定立於其間  
文宗以其端嚴若植問知其姓氏因吟其送客西江詩  
賜以禁中瑞錦詔悉所著以上遂遷諫議大夫 事文  
類聚曰宋張載字子厚嘉祐三年登第熙寧二年賜對  
除崇文館校書同知太常禮院事 分紀曰宋英宗賜  
少卿孔叔暮金紫叔暮以勞當遷上不欲以卿監當筮

庫之務故有賜後以為例 又曰鮮于侁字子駿元祐

初為少卿會罷太祝侁言神考釐定官制太常設奉禮

太祝誠不可廢乞復置仍請自朝廷選有學行者授之

職詔從之 元史列傳曰王約使高麗還報稱旨除太

常少卿尋詔約同宗正御史讞獄京師約辭職在清廟

帝不允 吾學編曰盧原質寧海人洪武二十八年陞

太常少卿事建文帝屢有建白靖難後召見不屈死之

又曰廖昇洪武二十九年擢太常少卿建文元年勅

修高皇實錄昇及翰林侍講學士高巽志為副總裁昇  
博雅有吏才朗達負氣聞忠誠伯茹常等自龍潭還慟  
哭與家人訣自縊死 明詩小傳曰李開先嘉靖中擢  
太常少卿會九廟災上疏自陳竟罷歸歸而治田產蓄  
聲伎徵歌度曲為新聲小令搗彈放歌自謂馬東籬張  
小山無以過也

太常少卿二

增清卿

高選

上詳少卿一曲阜集行范育太常少卿制太常貳卿尤為高選臺省侍從多

出此

諷中令

遷諫議

唐職林曰薛稷遷太常少卿

讓因入言於帝曰紹本胥史素無才望今特以勲進師長百僚恐非朝廷具瞻之美帝然之遂許讓中書令

下詳少

閑廩稍備

經學尤長

山堂肆考曰唐姜時轉太常少卿時國馬

卿一

缺乏請以詔書市馬六胡州卒得馬三千閑廩稍備下詳少卿一

專任禮樂

特賜

金紫

曲阜集溫益除太常少卿制奉常巨卿不常置為之少者益專寺任禮樂之事皆取決焉下詳少

卿一請輟遊幸議定配享山堂肆考曰宋呂公著嘉祐中同判太常寺數言濮

王在殯及請讌北使毋用樂上元輟遊幸廢溫成皇后廟多見聽用又曰宋泰觀撰鮮于侁行狀鮮于洗為

太常少卿會議神宗配享功臣或欲用王荊公吳文惠者侁曰富文忠勲德天下具知宜配享其議遂定

俾居卿副

必謹擇人

公是集行呂務簡制俾居列卿之副

聞見近錄曰神宗詔執

政詣天章閣議官制除目至太常少卿帝曰此必謹擇人可除范純仁王鞏

太常少卿三

增詩唐杜牧送崔少卿詩曰帝命詩書將壇登禮樂卿  
三邊要高枕萬里得長城對客猶褒博填門已旆旌腰  
間五綬貴天下一家榮野水差新燕芳郊弄夏鶯別風  
嘶玉勒殘日望金莖榆塞孤煙媚銀川綠草明戈矛虓  
虎士弓箭落鵬兵魏絳言堪採陳湯事偶成若須垂竹



帛靜勝是功名 柳宗元賀弘農公詩曰響切晨趨佩  
煙濃近侍香司儀六禮洽論將七兵揚合樂來儀鳳尊  
祠重餽羊卿材優柱石公器擅巖廊

增制唐孫逖行韋恒太常少卿制曰神清氣爽識遠心  
微周才可以求備雅望期於必復自登近密已積歲年  
淑慎有恒閑和易退奉常之亞稱職為難宜回夕拜之  
榮俾在春官之屬 白居易行陳中師太常少卿制曰  
筮仕立身皆有本末不背俗以矯迹不趨時以沽名從

容中道自致聞望如玉在佩動必有聲為時所稱何用  
不可朕以立國之本禮樂為先今之太常兼掌其事貳  
茲職者不亦重乎歷代迄今謂之清選往服是命行覲  
有成

增記唐獨孤及太常少卿廳壁記曰太常掌玉帛鐘鼓  
等威文物以報本乎天地神祇人鬼凡吉凶軍賓嘉之  
禮唐虞謂之秩宗周謂之宗伯秦謂之奉常漢謂之太  
常其掌一也後魏始建少卿官少小也用別二卿大小

之序亦猶宗伯有小宗伯列國有上卿下卿郡有守丞亦位亞一等以少參長而佐其成務焉故事自御史中丞給事中中書舍人遷秩為亞卿者必於是司故官因職雄地以人貴餘八卿不敢與太常齒云

### 太常丞一

原杜氏通典曰太常丞秦置一人漢多以博士議郎為之後漢凡諸丞皆掌行禮及祭祀小事總署曹事舉廟中非法皆銅印墨綬進賢兩梁冠

職官要錄曰晉宋九卿丞皆進賢一梁冠

介憤皂衣銅印  
黃綬齊梁墨綬

歷代皆有梁舊用員外郎遷尚書郎天

監七年改視尚書郎陳因之後魏北齊亦有之隋有二

人唐因之分判寺事

餘寺丞職並同

增文獻通考曰宋皇祐

中詔特差近上知禮官一員兼丞事建炎三年省紹興

復置續文獻通考曰遼金元皆有之明太常丞二人

正六品

太常丞二

增推高畏直

職林曰溫輔國居鄴薛嵩薦於朝授太常丞輔國一謝嵩即去屏處郊野世推

其高 山堂肆考曰宋石待問眉山少以詩賦名累官至太常丞時丁謂畏其直錢易奇其文楊億李諤服其議 贊郊禮 記夷曲 胡文恭行王珪制丞諸樂卿贊我郊禮 唐職林曰天后

論 時李嗣真為太常丞聞東夷三曲一 遍授胡琴彈之無一聲遺忘

論聖學 撰廟碑

宋李浩行狀曰浩孝宗即位以太常丞召至闕首論聖學以為人主務學則其餘嗜好無間而入矣 明詩小傳曰張羽洪武初舉賢良不出徵起廷對稱旨擢太常司丞兼翰林院同掌文淵閣事十六年帝親藁滁陽王事實命羽撰廟碑當時 巡視壇壝 參總禮樂 中興

以大制作推重如此 錄曰太常丞一人以禮樂久次官高者充掌檢校樂器巡視壇壝 南豐擬制曰丞於奉常參總禮樂之事

請復廟享

詔閱工器

山堂肆考曰宋范希純為太常丞舊制太廟薦享逐室設

常食一牙盤元豐四年奏罷之希純奏請復舊制易其名曰薦羞又曰宋紹興十一年時太樂廢詔太常丞周執羔輯舊聞閱工器而樂始備

原谷永數言得失覆之決定疑

議漢書曰谷永為太常丞數上疏言得失建始三年冬日食地震同日俱發詔舉方正直言極諫之士太常陽城侯劉慶忌舉永待詔公車對策與杜欽俱為上第皆以其書示後宮陶氏家傳曰陶覆之為太常丞凡宗廟疑議多所決定時人為之語曰定禮決疑問陶覆之

太常丞三

原秩比千石總署曹事

續漢書百官志曰太常丞一人秩比千石總署三曹事

增五禮六樂自出

王氏彙苑曰漢太常丞以博士議郎為之蓋五禮六樂所自出修七

祀又曰唐因隋太常丞凡享太廟則修七祀於西門之內

居官不妄進取

言行錄曰宋陳

堯佐居官不妄進取為太常丞十三年不遷

### 太常官屬

主簿 博士 奉禮郎 協律郎  
郊社署 鼓吹署 太醫署

太卜署  
廩犧署

原杜氏通典曰主簿漢有之

漢鹵簿之制太常駕四馬主簿前車八乘魏晉

亦有馬梁天監七年十二卿各置主簿一人陳因之北

齊有功曹五官主簿二人

歷代諸主簿多說在列卿篇

唐置二人掌

付事勾稽省署抄目監印給紙筆等事

餘寺主簿並同職

增

文獻通考曰宋皇祐中宋祁乞增置一員勾檢在寺文

書及掌出納遂除胡瑗後省不置元豐正名初除王子

奇建炎三年省紹興十年復置

言行錄曰宋李浩除太常寺簿輪對陳無逸之

戒且論宿衛大將恩寵太過高宗感其言宿將旋就第

宋自秦檜扼塞言路士風寢衰至是浩與王十朋馮方

查籥胡憲始相繼有所開陳時號五賢聞者興起太學之士至為五賢詩以述其事

續文獻通

考曰元無明有典簿二人

詳太常卿

原杜氏通典曰博士

魏官也魏文帝初置晉因之掌引導乘輿王公以下應

追謚者則博士議定之

秦有博士數十人兩漢太常屬官皆有博士掌以五經教子弟



則今國子博士是也端委佩玉朝之大典必於詢度歷代皆有隋

有四人唐因之甚為清選資位與補闕同掌撰五禮儀

注導引乘輿贊相祭祀定誅謚及守祧廟開閉埽室及

祥瑞之事

中宗將為韋后父鄴王陵廟各置五品令太常博士楊孚曰興寧永康陵尚置七品令鄴

王不可上踰先帝

又勅武氏崇恩廟齋郎以五品子

充乎曰太廟齋郎尚取七品

以下子武氏不宜取五品

也上曰太廟可準崇恩置孚曰崇恩為太廟之臣太廟為崇恩之君以臣準君猶為僭逆以君準臣奈天下何

事皆寢

增文獻通考曰宋祥符中置博士二人後四員

元豐正名初除何洵直博士掌講定五禮儀式有改革

則據經審議凡於法應謚考其行狀撰定謚文有祠事  
則監視儀物掌凡贊道之事中興省丞簿而太常博士  
如故紹興九年諫議大夫曾統言祖宗朝太常博士四  
員今見一員添置一員隆興元年從王太寶等議并省  
博士一員續文獻通考曰遼金皆有博士元博士二  
員正七品明博士二員詳卿原杜氏通典曰奉禮郎  
漢大鴻臚有理禮郎四十七人晉理禮郎四人屬太常  
令後魏理禮郎四人北齊有奉禮郎三十人屬鴻臚寺

之司儀署後周有理禮中士下士各一人隋有奉禮郎  
十六人屬太常寺煬帝減置六人唐初有理禮郎四員  
掌設板位執儀行事至永徽二年以廟諱改為奉禮郎  
開元二十三年減二員

奉禮本名理禮國家撰五代史  
志至永徽七年乃成于時此官

已改故隋書百官志謂北齊及隋理禮皆為  
奉禮奉禮之名雖見於前史其改始自永徽

增文獻

通考曰宋奉禮郎品秩見前掌奉幣帛授初獻官大禮  
則設親祠板位太祝掌讀冊授搏黍以嘏告飲福則進  
爵酌酒受其虛爵續文獻通考曰遼有奉禮郎金奉

禮郎從八品元奉禮郎二員又有奉禮兼檢討一員並

從八品明有贊禮郎九人

掌詳卿一

原杜氏通典曰協律

郎漢曰協律都尉李延年為之

武帝以李延年善新聲故為此官

後漢

亦有之魏杜夔亦為之

魏武平荊州初得杜夔知音識舊樂故為此官

晉改為

協律校尉後魏有協律郎又有協律中郎北齊及隋協

律郎皆二人唐因之掌舉麾節樂調和律呂監試樂人

典課

增文獻通考曰宋協律郎朝宴親郊則遣官攝

事崇寧後協律郎隸大晟府又有按協聲律製撰文字

韻譜等官以京朝官選人或白衣士人通樂律者為之

續文獻通考曰遼及金元皆有之明協律郎二人

並掌

詳卿

原杜氏通典曰兩京郊社署周官有典祀掌以

時祭祀秦漢有太祝令丞屬奉常景帝改為祠祀武帝

更曰廟祀後漢祠祀屬少府魏晉有太祝令丞宋曰明

堂令丞掌祀五帝之事齊有太祝及明堂二令梁有明

堂太社二令並屬太常北齊太廟令兼領郊祀崇虛二

丞郊祀掌五郊羣神崇虛掌五嶽四瀆神後周有司郊上士中士司社中

士下士隋太常寺置郊社署令丞各一人唐因之掌郊社明堂祠祀祈禱及茅土衣冠等事 增文獻通考曰

宋嘉祐元年置郊社令命石祖元為之熙寧元年郊社局令張伯世言局有郊社名而不主四郊之事於是始

主四郊壇壝之事

按唐六典兩京郊社局令各一人掌五郊社稷明堂之位然則郊社令通

管五郊之事乞自令兼令勾當四郊壇壝之事使得巡視提舉所貴官正其名郊兆寬潔從之郊社令掌巡視四郊及社稷之壇壝掌凡掃除之事祭祀則省牲 渡江初闕紹興十九年始除

韓彥直為太社令請給並依五監主簿例 續文獻通

考曰金郊社署隸太常承安三年設祝史齋郎百六十人作班祇僦使周年一替大安元年奏兼武成王廟署令一員丞一員掌社稷祠祀祈禱並廳舍祭器等物元郊祀署屬太常秩從六品大德元年始置令二員丞一員明洪武二十四年設各祠祭署奉祀祀丞詳鄉原杜氏通典曰鼓吹署周禮有鼓人掌六鼓四金之音後漢有承華令典黃門鼓吹屬少府晉置鼓吹令丞屬太常元帝省太樂并鼓吹哀帝復省鼓吹而存太樂梁有

鼓吹令丞又有清商署北齊鼓吹令丞及清商部並屬

太常隋有鼓吹清商二令丞至煬帝罷清商署唐鼓吹

署令丞各一人所掌頗與太樂同 增文獻通考曰宋

鼓吹局令一人丞一人崇寧後隸太晟府

詳見太樂署

續

文獻通考曰遼鼓吹署有令丞金太樂署兼鼓吹署

詳太

樂 元無明亦不置 原杜氏通典曰太醫署周官有

醫師上士下士掌醫之政令秦兩漢有太醫令丞

漢官儀曰

太醫令周官也秩千石丞三百石

亦主醫藥屬少府

後漢又有藥丞有醫士長

魏因



之晉銅印墨綬進賢一梁冠絳朝服而屬宗正過江省  
宗正而屬門下省宋齊隸侍中梁陳因之後魏有太醫  
博士助教北齊又曰太醫令丞後周太醫下大夫隋太  
醫署令二人唐因之主醫藥針灸按摩呪禁各有博士

武德中關中多骨蒸病得之必死遮相染此許胤宗每  
療皆愈或謂曰何不著書以貽將來荅曰醫乃意也在  
人思慮有脈候幽隱苦其難別意之所解口莫能宣古  
之名手唯是別脈然後識病之源藥有正相當者唯須  
單用一味直攻彼病立即可愈今人不能別脈莫識病  
源以情意度多用藥味譬之於獵不知兔處多發人馬  
空廣遮圍或冀一人偶然逢也如此療病不亦疎乎既  
不可言故無著述

甄權貞觀中百餘歲撰脈經針方

明堂人形圖其弟立亦達醫術撰本草音義七卷古今錄驗方五十卷

增文獻通考曰

五代時有翰林醫官使宋制翰林醫官院使副各二人並領院事以尚藥奉御充或有加諸司使者直院四人尚藥奉御六人醫官醫學祇候無定員掌供奉醫藥及承詔視療衆疾之事典二人徽宗時置翰林院勾當官一員以內侍省押班都知充總天文書藝圖畫醫官四局崇寧元年詔醫官有勞轉皇城使實及五年方許除遙郡刺史又七年除遙郡團練又十年以上方許除遙

郡防禦使醫官有和安成和成安成全大夫

舊為軍器庫使保

安大夫

舊為西綾錦使

保和大夫

舊為樞密使

翰林良醫

舊為翰林醫官使

和安成和成安成全郎

舊為軍器庫副使

保和郎

舊為西綾錦副使

保

安郎

舊為樞密副使

翰林醫正

舊為翰林醫官副使

翰林醫官翰林醫效

翰林醫痊翰林醫愈翰林醫證翰林醫診翰林醫候翰

林醫學舊諸司使副有醫官使及副使蓋自太醫丞直

院轉醫官副使叙遷年格一同武官但為東班使額耳

謂自法酒庫以上至皇城使

政和初既易武階而醫官之名亦遂易

馬凡十有四階立和安大夫視權易使以上翰林良醫

視醫官使其和安郎以下視東副使若醫官副使則以

醫正易之

官制舊典曰此名皆大臣所撰無所稽據傳曰登高能賦可以為大夫今乃以雜流為之

可見當時大臣之不學也

續文獻通考曰元世祖中統元年置宣

差提點太醫院事給銀印掌醫事制奉御藥物領各屬

醫職不隸太常院至治二年定制院使十二員同知僉

院同僉院判各二員經歷都事各一員照磨兼承發架

閣庫一員吏不錄所屬八諸路惠民藥局成宗元貞三

年置初太祖於燕京等十路置局官給銀五百鈔為本  
月營子錢以備藥物擇良醫主之以療貧民世祖末年  
以失陷官本罷之後復置令各路正官提調醫學提舉  
司至元九年置掌考校諸路醫生課藝試驗提舉一員  
副提舉一員明初置醫學提舉司洪武十四年更設太  
醫院令丞吏目御醫如文職授散官嘉靖中定本院院  
使一人院判二人其屬吏目一人御醫十八人所屬衙  
門惠民藥局大使一人副使一人生藥庫大使一人副

使一人吏九人院使掌醫療之法院判為之貳

按元明太醫院

俱不屬太常而別為一銜令姑附此

原杜氏通典曰太卜署殷官太卜

為六太周官太卜掌三兆之法秦漢有太卜令後漢并

於太史自後無聞後魏有太卜博士北齊有太卜局丞

後周有太卜大夫小卜上士龜占中士隋曰太卜令丞

一人唐因之 增文獻通考曰宋以太卜隸司天臺然

不置專官 原杜氏通典曰廩犧署周禮有牧人掌牧

六牲以供祭祀秦漢內史左馮翊廩犧令丞並掌犧牲

鴈鷺後屬大司農後漢河南尹屬官有廩犧丞魏晉宋  
齊梁陳後魏北齊隋皆有之唐令丞各一人掌犧牲粢  
盛之事 增文獻通考曰宋廩犧屬光祿寺有牛羊司  
供應所掌大中小祀之牲牷及大官宴享膳羞之用監  
官三人以諸司使副及三班使臣充監棧圈三人以三  
班使臣充

### 太常主簿

增深禮樂

檢文書

中興會要曰宋紹興十二年太常少卿王賞言本寺主簿劉榮強記

治聞又深禮樂所有討論文字欲令共同討論從之

下見前官制

與聞禮樂

稽考

簿書

職略曰龍溪除蘇良治制簿領雖卑然隸於太常與聞禮樂之事非他官比也

下見四朝志

太常博士一

增六典曰太常博士掌辨五禮之儀式本先王之法制通變隨時而損益焉

世說新語曰張憑舉孝廉詣劉

真長還船須臾真長至遣覓張孝廉船同旅懷愕即同載詣撫軍劉前進謂撫軍曰今日為公得一太常博士妙選既前撫軍與之話言咨嗟稱善曰張憑勃宰為理



窟即用為太常博士 通略曰唐貞觀時祖孝孫增換

樂律不能決溫彥博曰呂才天悟絕人聞見一接輒究  
其妙王珪魏徵稱才製尺八十三枚與律諧契 唐書

曰裴守貞授博士高宗將封嵩山詔禮官議射牲守貞  
奏曰據周禮國語郊祀天地自射其牲漢武封泰山令  
侍中儒生射牲至於餘祀無射牲之文 職林曰袁利  
正高宗時為博士上疏諫以為前殿路門非命婦宴會  
倡優進御之所帝納之傳詔曰卿奕世忠鯁能抗疏規

朕之失乃賜物百段 冊府元龜曰唐韓思復則天朝

為太常博士定南郊儀注去太妃鼓吹排羣邪守大體

國家賴之 山堂肆考曰唐紹為太常博士中宗時始

郊祭祀欽明知韋后能制天子欲迎諂之即奏以皇后

亞獻安樂公主終獻紹以為非引誼固爭詔禮官集議

衆皆曲意同徇欽明紹獨抗言不可諸儒壯其節 合

璧事類曰唐尹知章遷太常博士中宗時議以涼武昭

王為七廟始祖知章議武昭遠世非王業所因乃止

又曰唐陳正節遷太常博士玄宗奉昭成皇后祔睿宗室而欲以肅明皇后并升焉正節奏言廟必有配一帝一后禮之正也昭成皇后有太姒之德升配睿宗肅明皇后既非子貴宜在別廟於是留主儀坤廟詔隸太廟毋置官 孔帖曰裴寬改太常博士禮部建言忌日享廟應用樂寬自以情立議曰廟尊忌卑則作樂廟卑忌尊則備而不奏中書令張說善之請如寬議 分紀曰唐張薦貞元中帝親郊時更兵亂禮物殘替為參綴典

儀略如舊章

又曰王彥威淹識古今典禮求為太常

散吏卿知其經生補檢討官彥威采隋唐凡禮沿革皆  
條次彙分號元和新禮上之拜博士 又曰陸亘為博  
士寺有禮吏孟真久於其事凡吉凶六儀祀官不能達  
率訪真真倚以倨橫元和中皇太子真參議偃蹇亘榜  
逐之胥吏失色 山堂肆考曰宋和峴字晦之凝子也  
授太常博士從祀南郊峴贊導乘輿進退閒雅太祖謂  
近侍曰誰氏之子何相禮之明辨乎左右以峴閥閱對

尋拜刑部員外郎兼判太常寺 呂東萊集曰王居正

字剛中為太常博士朝廷懲創王氏邪說之禍會故相

韓忠彥議謚居正云熙寧初闢近臣坐講之請有功名

教宜謚曰文禮而韓氏子乃以故事未有以禮為謚者

謁宰相求改居正卒不改 東都事略曰常安民字希

古為成都教授上書論強國之本曰勸忠厚勵名節元

祐公卿薦其才召為太常博士 元史列傳曰虞集除

太常博士丞相拜珠方為其院使間從集問禮器祭義

甚悉集為言先王制作以及古今因革治亂之由拜住  
歎息益信儒者有用 又曰王守誠性好學從鄧文原  
虞集遊文辭日進泰定中為太常博士續編太常集禮  
若干卷以進 又曰李好文泰定中除太常博士會盜  
竊太廟神主好文言在禮神主當以木為之金玉祭器  
宜貯之別室又言往年有詔為集禮而乃令各省及各  
郡縣纂修宜其久不成也白長院自選僚屬數人仍請  
出架閣文牘以資采錄三年書成名曰太常集禮

# 太常博士二

增明練

清雅

唐李吉甫貞元中為博士時年尚少明練典故

雍洛靈異錄曰開元中以太

常禮儀聲樂之司屬亦

明沿革

具儀法

職官分紀曰崔龜從

太和初為博士最明禮家沿革時享宗廟敬宗祀版稱  
皇帝孝弟龜從議以兄弟無稱孝之義宜去孝弟兩字  
從之又稱九宮不過列宿不容為大祠詔皆  
可其議九宮遂為中祠下見後杜牧制

補容典

考功行

唐職林曰僖宗時商盈孫為博士喪亂之後制度彫紊追補容典皆盈孫折衷又昭宗將

謁郊廟有司不知樂縣制度盈孫按周法以算數  
殊類要令狐楚曰叔孫通起帝典於桴鼓之中自此以  
還鴻生碩儒若賈誼董仲舒公孫弘罔不以此進元帝  
詔丞相御史明於古今通達國體者徵為博士今行能

在臣右者知其班末祿寡莫不以博士為媿臣獨以為榮詳曲臺之儀法考庶僚之功行太常三卿始涖事博

士無參

引誼固爭

據禮以對

上詳博士一

唐續

集之禮

冕攝博士據禮

改集禮院

撰明堂儀

唐續通典曰

以對太子嘉異

侍同平章事其日南省上事故事送上而同列必先集

於少府監時白敏中崔龜從皆為太常博士至相位欲

榮其舊署乃改集太常禮院因名為集禮院龜從手筆

志其事

分紀曰唐韋叔夏為太常博士撰立明堂儀

注眾成

博士入相

郎中兼職

續通典崔龜從記曰

推服

者繼登三事而又並時同位者相望元和初權德輿李

吉甫同在相位長慶中寶易直在中書杜元預提印使

西蜀令僕射相公始與鄭文簡肅中與韋公琬同居中

書予復叨重委因志所同以遺他日亦以知博士之選



為重馬時令狐絢父楚亦以博士入相時人榮之

下詳博士三

獲黃鍾樂造方

域圖

合壁事類曰唐李嗣真為博士訪獲黃鍾衆樂遂和又曰唐呂才為博士造方域圖

持

議不俚

謚法得正

分紀曰唐呂才累遷太常博士帝病陰陽家所傳書多繆偽淺惡世

益拘畏命才與宿學老師刑落煩詔擬可用者為五十三篇合舊書四十七凡百篇詔頒天下才於持議儒而

不俚云下詳

俾專戎檄

退賜御書

九國志曰南唐高越為博

後白居易制

士淮上兵起召賜金紫俾專掌戎府檄書下詳博士一

安民力學

倪濤能文

東都事略曰常安民幼穎悟力學元祐公卿薦為太常博士又曰倪濤字巨濟能文有操履舉進士為太常

博士撰進禮書

上言時事

通略曰元祐五年太常博士陳詳道以所撰禮書進

給事中范祖禹言其精密過於聶崇義詔兩制詳之  
山堂肆考曰宋劉庠遷博士英宗以災異求直言庠上  
書論時事遂除  
監察御史裏行  
議論激切  
進退閑雅  
山堂肆考曰  
張九成除太

常博士陞對以正心術用人才收兵權為  
說議論激切上深獎歎  
下詳博士一  
作千字文

### 定五禮式

山堂肆考曰宋崇寧中米芾為博士奉詔  
以黃庭堅小楷書作千字文以獻  
又曰

元豐初除何澹直博士掌講定  
五禮儀式有改革據經酌議

### 太常博士三

### 增贊儀

六典曰大祭祀則  
與卿以尊贊其儀

### 妙選

職官  
分紀

### 禮官

合璧事  
類曰漢

時謂博士為禮官亦  
有稱禮官大夫者

### 大典詢度

晉書博士之職端委  
佩玉朝之大典必詢

度兼職唐職林曰裴蒞通古今祀儀為分務專治

職林曰楊牧言漢制總羣官而聽曰省分務而專治曰寺太常藏天子之旂常令旂常田車隸太僕非是

才稱其官

分紀曰唐裴守真授太常博士善容典時謂才稱其職

修舉隆典

文事

類聚曰柳子厚為陳京慶復行狀云公為博士舉疵禮修隆典

問不虛酬

孔帖曰崔龜從還太

常博士問不虛酬

改封衍聖

事略曰宋祖無擇為博士至和二年詔封孔子孫宗愿為文宣

公無擇言唐開元中謚孔子為文宣王又以其後為文宣公是以祖謚而加後嗣也遂改封宗愿為衍聖公

## 太常博士四

增制唐蘇頌行陳貞節太常博士制曰卞寶輝光楚材

翹秀窮禮經之奧博踐詞律之風雅參名列侍每獻昌

言掌事奉常宜銓令典 白居易行鄭涵等太常博士

制曰早以文行久從吏職輩流之間頗為淹滯況雅有  
學識進修不已禮官方缺宜當此選凡朝廷禮制或損  
益有疑中外謚議或褒貶不決爾為博士皆得正之

杜牧行蕭硯太常博士制曰禮至則無怨樂至則不爭  
揖讓而理天下者禮樂是也今國家上法三代下採兩  
漢質文隆殺皆有舊章今命博士非欲草具儀法但使

提舉考習而已著作佐郎蕭硯富有文學默守恬退爾  
其為我折衷輕重詳校疑似使祝宗卜史之徒不敢以  
近習欺爾斯則可矣

御定淵鑑類函卷九十


謹案第二十七頁前七行束帛既賁刊本賁訛言

據唐類函改

第五十三頁前六行是以祖謚而加後嗣也刊本  
嗣訛謚據事略改







總校官庶吉士 臣 張能照

校對官庶吉士 臣 陳 墉

謄錄監生 臣 楊愈柳